

## კონფერენცია

### „განათლების მართვის აქტუალური საკითხები - 2015“

მასწავლებელთა პროფესიული განვითარების ეროვნული ცენტრი განათლების მართვის პროგრამის ფარგლებში 2015 წლის 22, 23, 24, 25 ოქტომბერს მართავს კონფერენციას სახელწოდებით „განათლების მართვის აქტუალური საკითხები“.

**კონფერენციის მიზანი:** განათლების მართვის სფეროში აქტუალური საკითხების, კვლევებისა და მართვის წარმატებული მაგალითების გაზიარება/პოპულარიზაცია საქართველოში განათლების მართვის პრაქტიკის გაუმჯობესების მიზნით.

**კონფერენციის სამუშაო ენა:** ქართული

**მოსალოდნელი შედეგი:**

- განათლების მართვის სფეროში მომუშავეთ საშუალება მიეცემათ კოლეგებს გაუზიარონ საკუთარი გამოცდილება და განიხილონ წარმატებული მაგალითები;
- გააუმჯობესონ განათლების მართვის სფეროში არსებული წარმატებული პრაქტიკა.

**კონფერენციის მონაწილეები:**

კონფერენციაში მონაწილეობის მიღება შეუძლიათ საქართველოს ზოგადსაგანმანათლებლო საჯარო და კერძო სკოლის დირექტორებს/დირექტორის მოადგილეებს, სკოლის საქმისმწარმოებლებს, ბიბლიოთეკარებს, საგანმანათლებლო რესურსცენტრების წარმომადგენლებს, განათლების ექსპერტებს, განათლების სფეროში მომუშავე ტრენერებს, განათლების სფეროში მომუშავე არასამთავრობო, სამთავრობო და საერთაშორისო ორგანიზაციების წარმომადგენლებს, განათლების ადმინისტრირების პროგრამების მქონე უნივერსიტეტების პროფესორ-მასწავლებლებსა და სტუდენტებს, განათლების ადმინისტრირების საგანმანათლებლო პროგრამების კურსდამთავრებულებს.

**კონფერენციის ძირითადი მიმართულებები:**

კონფერენციის მოხსენებების თემატიკა უმეტესად შეეხება ქვემოთ ჩამოთვლილ საკითხებს, თუმცა შესაძლებელია სხვა რელევანტური თემატიკის შემოთავაზებაც.

- სკოლის ადმინისტრაციის/პერსონალის უწყვეტი პროფესიული განვითარება;
- მასწავლებელთა მოტივაციის ამაღლება და უწყვეტი განათლების ხელშეწყობა;
- განათლება დემოკრატიული მოქალაქეობისათვის;
- კონფლიქტების გადაჭრა, ძალადობა/ბულინგი სკოლებში;
- ინტერკულტურული განათლება სკოლებში/ უნივერსიტეტებში;
- მონაწილეობითი (დისტრიბუციული) ლიდერობა სკოლაში;
- პრაქტიკული კვლევა სკოლაში;
- სკოლის მოსწავლეთა თვითმმართველობები სკოლებში;
- სამეურვეო საბჭოების ეფექტური მუშაობა სკოლაში;
- სკოლის განვითარება;
- სკოლის ბიბლიოთეკების მუშაობა;

- საინფორმაციო/საკომუნიკაციო ტექნოლოგიების გამოყენება განათლების მართვის პროცესში;
- ინკლუზიური განათლება სკოლებში/უნივერსიტეტებში;
- მშობელთა და საზოგადოების (თემის) ჩართულობა სკოლის მართვაში;
- მონიტორინგის და შეფასების ეფექტური სისტემები.

**მნიშვნელოვანი თარიღები:**

**2015 წლის 1- 21 სექტემბერი** - კონფერენციაში მონაწილეობის მიზნით მსურველებმა უნდა შეარჩიონ თემა, მოამზადონ აბსტრაქტი (1-2 გვერდი) და გამოაგზავნონ შევსებულ სარეგისტრაციო ფორმასთან ერთად.

**2015 წლის 28 სექტემბერი**- მასწავლებელთა პროფესიული განვითარების ეროვნული ცენტრი განიხილავს კონფერენციაზე მოხსენებით გამოსვლის მსურველთა მიერ წარმოდგენილ განაცხადებსა და აბსტრაქტებს და შერჩეულ კანდიდატებს აცნობებს, რათა მოამზადონ სრული მოხსენებები და პრეზენტაციები მოწონებულ თემაზე.

**2015 წლის 5 ოქტომბერი** - სრული მოხსენებებისა და პრეზენტაციების ჩაბარება მასწავლებელთა პროფესიული განვითარების ეროვნული ცენტრისათვის.

**პრეზენტაციის ფორმა:** ზეპირი მოხსენების თეზისები საპრეზენტაციო ფორმატში (Power Point), მოხსენების რეგლამენტი - 15-20 წუთი (დაახლოებით 20 სლაიდი).

**საკონფერენციო მოხსენება** უნდა ეფუძნებოდეს ავტორის მიერ 2010 - 2015 წლებში განხორციელებულ აქტივობებს/პროექტებს/კვლევას.

**კონფერენციის მონაწილეებს გადაეცემათ კონფერენციაში მონაწილეობის დამადასტურებელი სერტიფიკატები.**

**კონფერენციის აბსტრაქტები გამოქვეყნდება ელექტრონული პუბლიკაციის სახით.**

კონფერენციის მონაწილეების შერჩევისას პრიორიტეტი მიენიჭება მსურველებს, რომლებმაც გამოაგზავნეს აბსტრაქტები.

**მოხსენების აბსტრაქტი**

აბსტრაქტი წარმოდგენილი უნდა იყოს word-ის დოკუმენტში, 1-2 გვერდი, A4 ფორმატი, Sylfaen 11 შრიფტით, ხაზებს შორის დაშორება 1,5. აბსტრაქტი უნდა მოიცავდეს:

- მოხსენების სახელწოდებას
- პრობლემის/საკითხის აღწერას
- განხორციელებულ სამუშაოებს/აქტივობებს
- შედეგებს
- დასკვნას

**აბსტრაქტის შეფასების კრიტერიუმები:**

- პრობლემის/თემის აქტუალობა და შესაბამისობა საკონფერენციო თემატიკასთან;

- ინოვაციურობა და შემოქმედებითობა;
- აბსტრაქტის შემადგენელი ნაწილების ლოგიკური ურთიერთკავშირი;
- პოტენციური წვლილი განათლების მართვის არსებული პრაქტიკების გაუმჯობესებაში.

რეგისტრაციის გავლა შესაძლებელია შემდეგ ბმულზე:

<https://docs.google.com/forms/d/1HVJHrPWJ3eGtaT42cOgr7cu8fLqrZX8M-wDdRh74VHo/viewform>

აბსტრაქტები მიიღება მხოლოდ ელექტრონული ფორმატით 2015 წლის 1 სექტემბრიდან 2015 წლის 21 სექტემბრის ჩათვლით მისამართზე [kingorokva@tpdc.ge](mailto:kingorokva@tpdc.ge)

ვადების დარღვევით შემოსული განაცხადი არ განიხილება.